

永樂大典

卷二千七百四十
三

永樂大典卷之二千七百四十三

八灰

崔

崔烈

文苑英華崔烈論 漢室中葉戎狄侵軼之患邊郡畧無寧歲

兵連禍積歷世不已天下以困用不足權酷租算之外乃許民間竭產助國出金贖罪雖以為郎以為經世之術救弊之務遂至桓靈之世天子要之百萬然後用焉三公崔烈常以賄求備位於公輔問其于外以我為何如對以銅臭之說垂於前史然近之其此人主無桓靈之僻自成通之後上自宰輔以取方鎮下至牧伯縣令皆以賂取故中官以宰相為時貨宰輔以牧守為時貨銓注縣令為時貨宰相若干萬繩刺史若干千繩今若干百繩皆聲言於市井之人更相借貸以成其求待權居任之凡若有所求足其欲信又倍於科矣爭國之者仍以多為愈彼十萬我以二十萬彼以二十萬我以三十萬自宰邑用賄之法爭相上下復結駟連騎而仕觀其堆積之所然後命官權倖之門明如交易夫三公宰相坐而論道平治四海調變陰陽為造化之主方鎮牧伯天子藩屏以固宗廟社稷

永樂大典卷二千七百四十三

一

之重刺史縣令為士民教化之首率皆如是不亡何待慮其心而聞其謀即皆販婦之行一錢之出希十錢之入十萬者望二十萬之獲三十萬者圖六十萬之報盡土民髮與骨髓尚未足以厭其求漢之亡也人主為之國家之禍也權倖為之或曰兆其墮者崔氏之子為子豈作不朽之罪人乎武帝聞之於前桓靈成之於後以至今日鍾氏作孽而行之而已且烈之世不聞教子以義方不能遺子孫以清白多歲若是俸祿之所獲者不及於昆弟親戚矣不施俸里鄉黨矣其賄賂得之于今日用之以遠此不亦是乎且桓靈之世國家既危喪亂日臻烈能盡用以榮其身他日之家謀且此作且曰烈為相矣不如是亦群道廷作且之所奪乃積之者過非用之者罪也被髮而祭於何左傳作行考亦有知其必戎作偏者其並也考仲尼懼其徇葬蓋知防其漸之日也明明天子許而行之何罪之有崔子素無異聞貪榮固利者小人之常也不施於親戚自圖於爵位者亦小人之常也何足如其罪有國家者不以仁義而務利之道許而行之斯不可矣不許而自行之而不能知之又不可矣亦覆國家者不亦過乎

崔善正

唐朱名賢確論范祖禹論崔善正言錡不法上械送錡錡坑殺之曰宗本惡崔善正直言故使李錡甘心焉善正之

死非特以告錡也。鉗天下之口而長姦臣之威實德宗殺之。是朝廷殺諫者。非錡殺告者也。張唐英論浙西布衣崔善正上封事言李錡反德宗械善正以賜錡。俾坑殺噫。善正一布衣也。茹蘗履則有八珍之甘。處蓬藜則有藻稅之樂。非食國家之祿。有憂國家之心。蓋以慮肉食者夫於廟堂而黎民抱骸於草莽。故越數千里至京師。上言首言錡之叛。為德宗計者宜念古人之戒。欲入澤者問牧童。欲入水者問漁師。以其知之審也。宜先遣一詔使。巡行江浙。察錡之志。有無叛上之謀。察善正之言。審與不審。然後以善正付法。未為晚也。何至聞聰道明械之以賜錡。使忠義之士死於無辜。以箝天下直臣之口。我為錡之計者。已既有不臣之迹。致善正諫言。朝廷擇然不以為信。則宜翻然悔禍。納于歸朝。亦不失一節度使。彼善正者。雖發已之惡。宜寬而恕之。上章於朝。請德宗任用之。以來天下直言之士。則可謂善補過矣。德宗既編急。而以善正賜之。李錡又不悔過。從而殺之。至憲宗之初。錡果叛。則善正不為狂妄。且下詔旌賞。爵其子孫可也。而天子與公卿大夫卒不議及於此。善正可謂生死無有一人知者可哀也哉。

崔喬

唐末名賢。確論范祖禹論謀誅宦官不克。因陰結朱全忠。請帝幸東都。韓全誨結李茂正。劫帝鳳翔。曰。崔喬本與韓全誨爭權。

永樂大典卷二千七百四十三

因昭宗懲幽辱之禍。謀盡誅甲宦。故全誨黨李茂正。其齟結未全忠。各倚強藩。以為外援。而此汴亦憑宦官。宰相內為城社。以制朝廷。故喬召全忠以兵入朝。而全誨劫帝西幸。唐室之亡。由南北司相吞滅。而人主受其禍。豈不足為將來之永鑒哉。

崔某

呂和叔集故博陵崔公行狀。唐故銀青光祿大夫守工部尚書致仕。上柱國中山郡開國公。食邑二千戶。贈陝州大都督。博陵崔

公。曾祖諱承福。皇朝太中大夫。廣越二府都督。祖諱先意。皇朝朝議大夫。鄧州刺史。父諱嶽。皇朝朝議大夫。鄭州長史。贈左散騎常侍。狀齊藻。天理立為人極。敬終端本。彼所以將就誠明。履履勤存。此所以砥礪名教。然而以道行已。悔而彌光大。君子之行也。以法考行。直而無黨。賢有司之職也。且曰。獻狀則唯所知。公清臧而和博厚。而敏岐疑。而夙茂。羈貫而老成。情約性克。靜專動直。出入孝悌。周旋忠信。如以經明上第。調佐夏陽。次以詞釀甲科。超尉王屋。事迫於官。而舉言迫於事。而揚欲。箴智而蒙滯。來求不近。名而聲華。先通故相。左僕射張公。時尹洛京。首得才實。洎鎮荆蜀。致於幕庭。再兼理官。專須記室。擅筆良書。三邦有聞。旋遵內軌。毀辱僅立。善居得禮。族黨稱之。克長之歲。天子南狩。太尉西平王大會。兵車將圖匡復。公首膺辟任。濟發義心。琴木

成聲。獲及於路。感激而將。星芒怒謀。而兵使廓清。草蕪既還。優典斯及。拜殿中侍御史。時有寵臣。為京兆者。政以恭聞。史有完弊。公表陳狂直。伏聞侍且。言忠主悟。事寢風生。以繩違稱職。轉侍御史。以求廣慎。選為華原令。大兵之後。早歲為虐。公勞保不倦。弛張以宜。復添庸於潤屋。闢曠土為多稼。俄改欽州刺史。地雜歐駱。號為難理。下車而簡其約。未暮月而明其信誓。然後破散。漢聚剪鋤。山豪既去。害群之奸。遂寧。踰險之俗。微拜長安縣令。威聲先路。不肅而理。銘刃餘地。所獲皆虛。惟同州刺史。圖款於豐量。賑為穰。號里倉者三百所。而凶羊備矣。戒以暴骸。諭之速朽。成薄葬者九百家。而奢俗懲矣。郡人有豪奪。鄉僕陰持吏夫。朋構紛做。累政所患。公斷以奉斧。破其囊索。人樂其然。而法制行焉。郡城自禦寇之餘。復理殆盡。朝首所經。夷夏何仰。公悅使。徭員大興。版築下不知役。而高固立焉。其餘則去思有碑。祥在家述。可覆視也。朝議陟明。遷于陝。服封介。晉楚寄分。函話而戎備不脩。兵庫虛閒。公乃鳩工。以利器。閱實以練卒。金革中度。義勇知方。既而有淮西之役。晨令暮具。凜然而可觀矣。河出城下。造舟為梁。經始匪工。賊決相繼。公乃沉石而雙。固中流。省艦而三分。巨派水與意會。勢若天成。既而有奔濤之瀾。智勝功顯。終然而無害矣。其餘則三降豐。書就加

永樂大典卷七百四十三

三

爵秩。是明微也。移疾入覲。或職冬官。歸載不過圖書。留府益乎。秉帛豐公。納私。於是乎存。既焉。陳乞以尚書致政。室不交要路之賓。口不言當代之事。就陰委順。諛者多之。公自解。愧至于微樂。思不踰矩。動不越思。以忠貞為任。模以勤儉。為家訓。身居侯邸。清節如初。男降王姬。素風逾厲。窮孤聚室。人各忘其亡。布褐分庭。士不知其貴。體溫柔而事至能斷。性坦易而物莫能寵。當官不務於名聲。所去必遺其功利。昨強尚在。時論可徵。已逾書墓之期。請舉易名之典。謹狀。元和三年四月。日。故銀青光祿大夫。守工部尚書。致仕。贈陝州大都督。傅陵。崔公。從外生。朝議郎。行尚書司封員外郎。上騎都尉。賜緋魚袋。呂某。謹上尚書考功。夫立身之道。始於君親。中於人。終於身。若府君者。居喪有聞。臨難有功。善其始也。勤於官業。急于課。寡敬其中也。家事以理。年至而退。謹其終也。率是三懿。光于前訓。以咨謚法。無愧至公。謹狀。

崔獻

文苑英華楊炯撰。左武衛將軍。成安子。崔獻。行狀。祖弘壽。備

隆州刺史。世唐世系。長。壯。身。五。監。門。將軍。成。安。子。崔。獻。行。狀。祖。弘。壽。備。成。安。縣。開。國。男。謚。曰。信。郡。縣。鄉。里。崔。獻。獻。子。本。作。人。年。六。十。七。夫。推。其。

永樂大典

卷二七四三

天命南端上將之文考其地靈北極崆峒之武厥次有東方曼倩卓犖
平建於孫吳瑯琊有諸葛孔明深期於管樂貞觀九年起家太宗皇后稅
郎十六年授營州都督府參軍事燕齊遠達所以分置營州天子命我以
參卿軍事太宗文武聖皇帝把金鉞動瓊璣發四方車馬西土之人爰整
其旅問東夷之罪恭行天罰公自家刑國資父事君樂王業之神武葉班
超之筆硯一鼓作氣方輕肉食之謀七旬舞干始受昌言之拜二十三年
遣徐王府西閭祭酒梁王武者漢皇之少子廣東苑屬平臺則司馬相如
所以騁其詞賦陳思王植者魏國之天人遊西園擁飛蓋則邯鄲子淑所
以爲其賓友永徽六年授晉州司士龍朔三年遷岐州司戶剪桐垂珠
壁相輝紫鳳寶雞伏祥神至從乾值莫之風土被山帶河之國邑邦君生
嘯方推太守之名鄰國從遊始屈陪臣之禮尋丁外憂三年泣血一慟能
使禽獸莫觸其松柏神仙每留其玉石春秋忽變有君子之終身金革不
辭達賢人之俯就麟德元年有詔起公爲左威衛脩仁府左果毅都尉仍
命右羽林軍長上乘與歷日月步山川詳益地之圖書聽干雲之律呂長
城十用盡人提封高闕三襲並爲州縣於是九姓抗表請築安北府城詔
公馳驛許以便宜從事則樂奉中旨計日期運視降鑿與待於故都樓上

永樂大典卷二千七百四十三

四

雖復東西萬里張博望之尋河裝橐千金陸大夫之使越猶未聞降星蹕
迴帝車微於陶侃扣天門之八襲方於魯陽留白日於三舍若夫類上帝
徧群神則孔宣父之所刊者五年一符登泰山禪梁甫則管夷吾之所識
者十有二君秦皇致風雨之遠魏后積貂羊之耻夫名山之所望非我后而
誰哉是以馭蒼龍搖玉果作阜鳳陰陽不測發揮於作樂之文天地無於
猶讓於升中之禮公陪祠汶上扈蹕梁陰列藩衛於環星受嘉名於捧日
與夫茂陵之下獨留符命之書河洛之間不覩漢家之裏豈同年而語也
朝鮮舊壤歌其作歌箕子之風謠斗骨危城屬河孫之背誕地惟孤竹不
聞謙讓之名視則同林曹無恙難之意特進全唐書上卷男土以蕭牆構
孽萋草方滋欲去危而就安思轉禍而爲福請歸有道所向來使若望
夫天皇懸一物之雅溝詔公於國城內迎接先之以造化之大示之以雷
霆之威受其璧焚其櫛使徵侍子來朝京闕亦猶鄰主憑越入齊國而下
其城貢誼上書伏匈奴而答其背乾元元年詔遣游騎將軍左威衛義陽
府折衝都尉仍加上柱國右羽林軍長上如故是歲也太子太師英國公
登壇以某作而拜堅門而出紫泥明詔不入於三軍之中黃石奇兵自行
於九天之外山林爲室不能有藩籬之險魚鼈成橋不能有逃亡之路詔

公出使預參帷幄進奇策納嘉謀懷無臂而執無兵戰必勝而攻必取斬
 大風之翼務卷青丘卧長鯨之鱗煙銷碧海二年以平夷功詔除定遠將
 軍右武衛中郎將檢校左羽林軍總章二年詔遣宣威將軍守左武衛將
 軍檢校右羽林軍無此句襲封成安男咸亨二年進爵為子尋奉別勅檢
 校右羽林軍餘如故太夫人以桑榆晚節霧露沉柯減年歲之扶危受皇
 天之異作生辰而賜藥羹陳表疏方請告歸頻降絲綸未蒙優許則知忠
 臣奉上多從孝子之門受命臨戎始見忘家之事潘安仁之里第始奉輕
 軒張景胤之純深終悲畫扇儀鳳三年以內憂解職尋降詔起復本官四
 年加雲麾將軍正除左武衛將軍檢校右羽林軍如故王人奪服繞聞趙
 意之表明主相憂獨許何曾之毀且割哀而從禮將以義而斷恩受軍麾
 命服之數掌期門飲飛之職以漢宮清署忽照邊烽秦塞長城遂聞胡馬
 匈奴未滅霍去病是其作所以辭家天子動容周亞夫於馬不拜調露元
 年詔公龍門鎮守兼於夏州防捍飲冰受命倍道兼行鞍甲成勞晦明為
 瘞墮書降下其作門即日追還中使接跡於家庭尚其作上藥調膠於錫
 齋人生詎幾神道何知仰觀於天值三軍之呈落俯察於地逢五將之山
 崩詔書來北斗之門圖象在南宮之壁以三年秋七月薨於紫桂宮右羽

永樂大典卷之七百四十三

五

林軍之官第詔賜御食并錦被一張常服一襲雜米百五十段贈物一百
 段粟一百石初書弔贈禮越常班喪葬其作日所資數優恒典琳瑯觸目
 日月在懷陶謙則戲引幡旗賈逵則常陳部伍閭門有德歡若友朋事君
 無隱心如鐵石至如出車投鉞東征西討孤虛向背則雖女子之衆可以
 當於丈夫前後折旋則雖婦人之兵可以陷於湯火免起而鳧舉龍騰而
 鳳飛無戰不平無城不尅有如馮異羞言大樹之功宛其作或似曹連不
 受黃金之賞太平之事業行矣人主之恩榮備矣山河之寵久預同盟社
 稷之臣俄悲輟祭聖君興悼列辟相趨觀高鳥而歎良弓聞鼓鼙而思將
 帥宏圖秘畧實無得而稱焉追遠飾終請有易其名者謹狀水隆二年正
 月十一日攻左武衛將軍成安子府功曹某上尚書省考功名也者功之
 表也謚也者行之跡也公叔文子曹辱四隣之交黜妻先焉有餘天下之
 貴謹按故府主左武衛將軍上柱國成安子在獻誕靈辰弗降德山河漢
 陽閭忠許有良平之策穎川徐庶知其管樂之才生觀太平仕運明主秋
 風金鼓有司馬之論兵吉日壇場有將軍之拜職任重而道遠功成而身
 退奄息百夫之持彼蒼者天相如千載之人猶有氣象其作士氣是珠襦
 玉匣禮備於逸終筮短龜長事其作日從於先見其作是易名之道蓋取

之於舊儀，累德之文，敢一
作，以布之於執事，謹狀。

崔某

唐柳宗元集為章京兆。祭太常崔少卿文。維年月甲子，京兆
尹常夏卿，謹以清酌庶羞之奠，敬祭于亡友。故太常少卿崔公

之靈，惟靈率是良志，蹈其吉德，炳蔚文彩，周流學殖。水成切，在八木學殖
也。其遺猶土夫也。孔氏之訓，專其傳釋，黃老之言，探乎幽蹟。士年切六書
與論，是究是索。六書一日象形，二日指事，三日會意，四日假借，五日形聲，
六日轉注。五字學叩爾玄關，保其真宅，誓成行備，披雲騁跡，原莊木窮，爾
惟道五途，謂之康，六途謂之務，濠記已極，滿云。記古也。楚辭注，記。水涯也。
言日出東方，暢谷之中，暮入西極，濠水之涯，嗚呼哀哉。夙歲同道，從容洛
師，言洛語，動土于洛師，唐東都，接袂交襟，以遊以嬉，策駕嵩少，嵩夫夕切，
夕，大照切。嵩高，少室二山名，在河南府，泝舟灑伊，泝音素，灑伊二水，笑咏周
星，左傳，二星於天，謂十二星，其樂熙熙，丹青可望，青雲可期，洛中十友，談
者榮之，惟鄭洎齊，各登鼎司，鄭除度，亦收或喪，或存山川，是遭繫我夫子，
繫馬為，為帝二切，宜相清時，命之不遐，孰不懷悲，嗚呼哀哉。往佐居守，及
爾同寮，笑赴交歡，匪夕則朝，入同其室，出聯其鑣，早驗切，為街也。投文報

永樂大典卷二千七百四十三

六

章既歌且謔，及我為郎，優游吏部，公為御史，持憲天路，文陞徐趨，春戀相
顧，歡愛之有，有如于素，自我于邁，歷剎東吳，離憂十年，復會名都，余為侍
郎，銓總攸居，實得茂產，奉其規模，職事合憤，又倍其初，我尹京兆，公亞奉
常，步武相望，佩玉以鐙，謂保倫樂，長此翔翔，抱疾幾何，忽焉其亡，嗚呼痛
哉，原念住昔，愛均骨肉，我有書笥，盈石尺牘，寤言在耳，今古何速，夫涕與
泉，爾嗣住哭，撫筵一呼，心為摧刺，昔人切，日月逾邁，佳城遽卜，素車千里，
遙迤山谷，遙於危切，迄今夕切，晦爾精靈，歲之斧，屋裡起，嚙子孔子曰，若
履夏屋者，夫見若命者矣，馬車切，之謂也，嗚呼哀哉，丹旌即路，祖奠在廷，
去此昭昭，就爾冥冥，敬陳洞酌，以告明靈，嗚呼哀哉，伏惟尚饗。
者遠酌，取之，臨賜永憫，展寫哀誠，嗚呼哀哉，伏惟尚饗。

崔景暉

文苑英華李華撰太子少師崔公墓誌銘。聖唐祖宗重

之臣曰，趙公奉先少師之訓，有大功於王室，少師諱景暉，字某，清河東武
城人也。惟成於姜水，存曰有呂德，莫厚乎粒蒸人，大庭之烈也。勳莫盛乎
除暴虎，尚父之明也。讓莫大乎推社稷，季子之高也。丁公之元子，曰季克，
謀乞歸老於崔氏，宜乎其盛也。八代祖元孫宋度，及郎中，以忠順烈，見危

致命夫人携二子亮敬然依夫人之堂。挺志羈孤之中。安親危窘之際。亮即公七代祖也。八為尚書一為僕射。孫肇官至中侍郎。元子北齊安州總管府掾。諱道淹。公之曾孫也。生萬年。主簿。臨洛令。諱方壽。公之大父也。生武功主簿。贈吏部尚書。諱真固。公之考也。郎中。詢。王事。僕射。利。生。中書之名望。安州之道德。臨洛之愛人。武功之體道。荀淑以威德。及子陳寔以素風。及孫。誠哉吾聞語矣。今見其人也。公孫抱太夫人。終童幼。武功府君逝。根於至性。跋過乎哀。仰黃憐之。皆曰。純孝既除。喪外從禮。訓內積憂。慕吸菽飲水。勵志讀書。誦無遺文。釋無適義。皆一覽也。年十七。與親兄。既。同舉明經。調補梁州南鄭尉。轉蜀州晉原尉。前後使臣。奉公第一。遷大理評事。親累貶。利州。後。明。丞。歷梓州鹽亭丞。樂天和命。貞。獨。自。晦。君子。哉。改。晉州。司法。參。軍。政。尤。一。道。判。史。按。察。皆。以。上。聞。充。河。東。支。使。軍。軍。尚。書。攝。馬。連。帥。也。假。公。判。官。仁。者。悅。不。仁。者。懼。遠。屬。終。於。官。舍。春。秋。四。十。權。厝。於。邱山。玄。元。廟。西。北。原。識。與。不。識。固。不。相。中。時。人。之。安。放。後。人。之。不。幸。榮。陽。夫。人。鄭。氏。皇。兵。部。郎。中。衛。州。長。史。玄。昇。之。女。吏。部。侍。郎。平。章。事。愔。之。妹。終。於。京。北。崇。賢。里。權。殯。於。長。安。東。南。杜。陵。原。夫。人。韜。佩。於。禮。禮。記。內。則。婦。事。舅。姑。佩。紛。既。全。履。以。寧。顏。色。澄。暮。酒。以。奉。蒸。嘗。輔。佐。君。子。黔。婁。之。室。也。撫。導。

永樂大典卷二千七百四十三

七

賢。傅。孟。軻。之。母。也。內。訓。傾。謝。婦。儀。無。匪。嗚。呼。哀。哉。大。曆。四。年。龜。筮。從。吉。嗣。子。圓。尚。書。右。僕。射。趙。國。公。哀。奉。先。少。師。夫。人。之。哀。唯。合。祔。於。河。南。北。邱。山。其。原。禮。也。趙。公。初。為。益。州。判。史。屬。逆。羯。內。向。天。下。兵。起。至。尊。出。長。安。避。狄。未。有。岐。下。之。都。因。奉。表。上。迎。保。寧。聖。德。遷。為。中。書。令。翼。大。明。復。天。下。肅。宗。中。養。玄。宗。申。慈。趙。公。之。宣。力。也。事。今。上。鎮。揚。州。為。吏。部。尚。書。左。僕。射。崔。氏。之。門。公。盡。善。哉。洪。河。在。北。清。洛。在。南。二。室。之。下。邱。原。高。起。是。地。也。是。宜。君。子。幽。宅。寧。於。斯。永。保。子。孫。昌。於。斯。其。文。曰。翼翼。孝。嗣。銜。哀。不。言。祗。感。永。思。常。試。討。論。齊。為。霸。國。鄭。句。姬。姜。協。德。貽。慶。後。昆。在。昔。貞。烈。有。魏。興。播。建。建。都。公。將。南。韓。遣。舟。人。使。開。漕。利。源。宜。有。令。胤。中。書。王。振。安。州。營。道。臨。洛。體。順。尚。書。孫。光。公。以。德。鎮。既。輸。典。刑。亦。清。維。晉。天。不。我。道。時。時。時。時。大人。之。德。柔。善。有。則。鼓。鍾。于。宮。聞。于。四。國。從。夫。訓。子。天。下。是。式。不。及。功。勞。趙。公。周。極。克。誕。趙。公。蒙。義。孝。思。奉。若。先。訓。其。責。如。斯。今。日。之。祿。先。人。之。慈。保。寧。幽。宅。天。地。無。期。此。是。年。相。在。同。之。文。

崔志堯

騎省徐鉉集故唐朝散大夫尚書水部郎中崔君墓誌銘
公諱致堯字用之其先清河人也周室大風肇洪源於

永樂大典

卷二七四三

公望漢庭明月抗忠節於李瑒德厚流光謀猷莫于冠蓋之盛莫之與京
我高祖翼亮有唐四至丞相曾祖蓋不仕祖海吏部員外郎考德建州建
陽令值天下亂因而家焉令為建安人也君少而不羈長而好學介然如
石非禮不行鄉曲之名藉甚於世李唐嗣業博采時才君以卿族之秀獻
書求誠補江州彭澤滁州清流二主簿改建州浦城軍判官所至有聲應
用不暇再為建州將樂令其地巖險其民獷悍寇攘亡憚率以為常君厲
以嚴明信其刑賞汙俗咸革比戶安居遂獲真幹之稱又遺紀綱之修改
常州錄事參軍運考善最擢拜殿中丞遷虞部員外郎郡國之政多使案
治忘身徇節綽有能名無何都下受兵群師入復以君為水部郎中實掌
軍儲既而時運告謝宗社淪胥諸侯之師莫不卷甲君與其部將南趣建
安中塗炭潰遂沒於難春秋若干嗚呼興亡之數聖賢安能免忠義之節
顯沖必於是不然何以見伯夷首陽之風王蠋布衣之操也夫人吳氏克
有婦德能緝素風範足泳離不墜門閨子憲寔定等皆稟庭訓咸脩詞業
憲在舊國以進士擢第八朝為相州沈丘尉復從州里之舉皇上臨軒親
試又擢高科為隨州觀察推官所謂善人必有餘慶某年月日憲等始備
大差之禮號奉靈樞定于某州縣鄉里之原禮也銘素熟君行學因銘墓

永樂大典卷二千七百四十三

馬銘曰嗚呼崔君百世清芬忘身徇國斯為真且種德
垂訓斯為慶門光光故園我我高墳沒而不朽用勒斯文

崔某

唐李華集淮南節度使尚書左僕射崔公頌德碑銘昔在召
公相武王除害去虐敕命帝廷周公佐成王卜洛定宅登頌清

廟奉康王會朝豐宮克致太平惟崔公亦相玄宗保寧聖德鎮安天下輔
廟宗掃除凶穢紹享天命今上振宣明威撫綏淮海惟中伯翊宣王登南
邦興周室小白率諸侯征楚崔某王職與崔公叶德同勳皆姜姓也未議
威德論大功贊大賢舉其殊倫卓然昭明不已書其細甲大體也故詩
陳方叔之烈曰方叔元老克壯其猷又美韓侯之封曰有倬其道韓侯受
命今述崔公亦不名不備官古之制也後魏尚書亮八代至公海內首誅
人倫德範公少負文學重名且兼宏畧揚于王庭甲科入仕歷京兆倉曹
參軍再遷司勳員外丁太夫人憂以毀聞終喪拜刑部員外兼侍御史知
劍南節度留後使逆臣起幽陵陷潼關至身哀兆人思古公避狄之義於
是帝車西南依我心贊拜中書侍郎平章事劍南節度採訪使玄宗克讓
聖子家為唐虞公出納王命至于朔方側諧二聖孝慈光明自西自東珍
璣元惡天討之師度如山行冠若霜葉鼓燎無存帝曰爾圖實叶朕志官

中書令封趙國公。公拜稽首。臣敢上肩以負天明。帝遂其高。俾作少師。訓東宮。兼長邦憲。居守洛京。乃傳濟焉。又與汾州王德日宮。汾州阜安。乃統江淮。主三軍省萬人。加工部尚書。時征鎮之司。恃勲奸令。公獨露奏。懇用報聘。轉吏部。淮南既清。軍有餘逸。夷難江南。萬里康哉。六歲在鎮。心馳王愷。懋慕之極。至于流涕。獻章請朝。帝恩降允。公不俟駕。建旆將馳。耆耄泣訴。史人遞道。即日詣闕。乞留者三百餘人。公申諭而行。至于京師。天子大悅。曰。趙國先帝元臣。嘗為朕師。自我不見于今六季。有司如朕意待之。加尚書左僕射。遂淮南之請。所部八州人。舞于蹈足。秘書少監兼廬州刺史。長樂賈深。有文武才畧。忠于王室。推心馭下。嘉靖并聞。戴公仁明。思揚盛德。合肥令彭城劉商。先后之族。臨人惠和。一州之老幼咸曰。我州我邑。敦王德澤。崔公封內。我是以安其仁。不銘其德。不可謂華。嘗奉公游。咨以為頌。夫五嶽視三公。四瀆視諸侯。公入掌三公之政。出踐諸侯之長。昔鄭武公為卿士。詩人賦緇衣。魯僖公為周賢侯。史克頌駟野。敢附前烈。以書公不朽。故褒大臣。則王室尊。崇美政。則王命行。不惟頌公。尊天王也。今戴公朝親之禮。以弘大之。其文曰。思崔公出鎮之崇。克孝克忠。宣帝之武。恢帝之功。自蜀自胡。至于秦宮。出納大命。決事于衷。思崔公烈烈。郁郁。以

永樂大典卷二千七百四十三

九

芑以肅。乃統淮服。沮江之隩。闐闐長輟。霞旆霜鍤。養爾光毒。罔不顧覆。思崔公三世元臣。德綏主令。乃朝于王。王顧殊倫。且曰。東南飲化如春。為朕腹心。寧其咏吟。思崔公入親于王。鸞聲央央。佩玉以鑄。東珪奉璋。公復于播。四牡其驥。公慕彤庭。涕濡于裳。思崔公廬江州邑。孰不垂泣。我公之還。陽和起。整乃求藥石。藥石差立。判之頌之。介福攸集。介福攸集。州人斯及。

崔某

唐權載之集。唐故江南西道都團練觀察處置等使中散大夫使持節都督洪州諸軍事守洪州刺史兼御史中丞騎都尉賜紫

金魚袋贈左散騎常侍崔公神道碑銘。博陵崔公諱某。字某。仕至御史中丞。洪州刺史。江西都團練觀察使。元和七年冬十一月。某甲子。啓于足于郡舍。享年五十五。皇帝不視朝。禮以左散騎常侍印綬。命郎吏吊祠。明年十一月。附定于東都河清縣先正之大墓。又明年。其孤仲慕慕其代德。家法。命書愍罔。請刻石繫縣。且自本曰。炎帝之後。秦夏里黃公。廓漢東萊侯伯。慕東漢長岑。長駟。濟北相。暖晉左僕射。洪之代也。洪七葉。至北齊。禮部尚書文恭公。聖念。聖念四葉。至君曾祖知晦。應銷聲。舉授兗州金鄉丞。王父瑜。朝議大夫。忠王府諮議。贈太子賓客。烈考。漢再為澧州潭州刺史。

以御史中丞領湖南觀察使當宣皇武之際用愷悌修政為代吏師優詔錫金爵推理行第一神道終整遭罹戕害他日以君之勤贈太子少師君慈和脩繁平粹文敏以親身之功善揚積厚之風類始以門廡調河中府參軍歷邑丞廷史從事祭視凡南臺外三為殿中侍御史著以公事貶台州司馬聯帥表於理下旋以上介入拜侍御史遷考功員外郎度支吏部二郎中尚書二州刺史以至按部撫封為太子守臣所居可紀漸漬光大其為郎中考課經費彌綸綜覈三刺曹無留事瀕江郡國仍歲大薦而浙河之東凶旱特甚縣官恤然臨遣使臣發吳之公聚賑越之歸食君受命載馳仁聲先翔噢咻惜但布袍優裕不樂宴私不嘗酒肴東人鼓舞感動肝膈其為常州曹引河渠通甲夏二澤以宣利澤郡有德斷之下如有神明及處方任為仁由己凡封進負數千萬夫家病焉君曰不曠然大資無以休息悉用條上盡蒙可報然後均列城之田賦去都府之煩弊史措手足事無尤違仁矣哉詩稱仲山甫柔嘉維則中伯柔惠且直惟君亦柔而立溫良而能斷教順導利外寬內明函達于雅故勤施于政事稽洪範三德其甫中之柔乎凡歷柱下史東曹郎皆居代官列郡二千石方師執法皆循風訓江湖之間壤地相錯蒙君父子仍代之澤豈天意之俞斯人耶

永樂大典卷二千七百四十三

鄙夫久或六官與君周旋甚熟頃奉宰府詳知報政迨茲居守而仲華儼然焉莫疾不文直詞傳信銘曰橋橋尹師淮湖之南播道懿全抑抑常侍在江之西施美利兮仍代元侯寬明輯柔政樂易兮此物此志四封茂遂古循史余宜水介福奄然厥復左貂襪兮河清鮮原羽葆翻翻潛智氣兮有涯必盡源此淑聞斯可貴兮刺歸豐碑崔惠龜螭水為識兮

崔適

唐故朝散大夫持節饒州諸軍事守饒州刺史上柱國崔君墓誌銘 傳陵崔氏為山東右族以政事方直稱者

曰饒州刺史諱適字某貞元十四年某月甲子寢疾終于所部之解舍春秋若干君仁厚信實方履清厲詞無枝葉而願言必踐交不誦黜而與人必誠深於士行精於吏職蓋其天性然也一命為懷州參軍累遷至大理評事司直監察御史好時武功二縣令常降二州司馬乃理當平遂佐興元貞元十一年春以西諸侯之師轉粟調食特科倉部郎中兼御史中丞以董其事其年冬徵拜衛尉少卿明年改鄧州刺史麾蓋將行又換鄧陽歷官十五竟未克量其為御史也貴常侍至以才名尹穀下實所慰薦為之賓介蔣常侍沈以公廉幹河運交辟將事弘助居多其年封畿也縣郵

之地直于西郊禁衛之師勤于左次事為之節官修其方軍興人安閭境
誦其佐晉陵也晉國韓公當撫之重著為推官輅傳所至平反審克假
守新定新定之人宜之薄於進取未數月引去其須陵邑也充奉肅政里
間均定黠吏強家望風累息相率屏匿者十八九其分憂為邦約已惠人
樂已而知禁清明而不擾此皆歷職必聞之効也至若章章尤著為士君
子之所景行者則奉使西去鄙能言之縣官來塞宿兵旌旄相望饋饌之
重非君莫可既而經費出納利於中臺克伐之人順非言利不率以布帛
之不中於度不鬻於市者積以竅濫備其名物移用於軍增三倍之債平
糶於人無一時之蓄掠是根本命為奇贏既襄邊備實蔽理道時有覆視
誨其相蒙仗列簿書之文不登金鍾之量因緣謬功觸類而起君受命不
苟臨事風土條其積弊盡達聰聽雖信信之吠營營之飛置於度外不直
不已連章上懇詞旨深切群情喘駭處之恬然謝病乞告終無所屈皇明
嘉納八亞九卿時稽紳之士多以過暴為戒休迫附離而不能自固者多
矣如君之特立剛毅不更其守古之儒行何以嘉焉此德與所以受其孤
之哀請而不敢辭也君之曾祖玄基皇朝散大夫會州長史祖紹先皇揚
州揚子縣尉父冕皇大理司直兼河南府河陰縣令代名士行裕是遺烈

永樂大典卷二十七百四十三

士

初君娶于某氏某官之女子曰包而殁繼室以某氏某官某之女皆有淑
行如君子之志以十四年某月日叶吉卜祈定於河中某縣柳原之舊封
禮也初包以德與朴而好直且嘗奉行君之命書曰四乃列某官薄次第
俾識于墓石既而包毀廢滅性天於倚廬之中諾其請矣故銘之曰 崔
君之真兮不枉尺兮崔君之正兮不由徑兮展如之人宜錫蕃祉兮天寶
奈何一麾過已兮襟襟唯裳來自鄙之陽兮我我丘封塋于河之東兮刻
此真砥識
清風兮

崔孚

白居易大慶唐故湖州長城縣令贈戶部侍郎博陵崔府君
神道碑銘 公諱孚字某古太嶽胤也今博陵人也唐虞之際

因生為姜姓暨周封齊分類曰崔氏長源遠派大族清門珪組賢俊準繩
濟美斯崔氏所以綿千祀而甲百族也隋散騎常侍諱洽公六代祖也唐
冀州武強令諱紹魯祖也監察御史諱預王父也常州江陰令育皇考也
公幼以門蔭補太廟齋郎初調授汝州葉縣尉再調改宋州單父尉時
天寶末盜起燕薊毒流梁宋屠城殺吏如火燎原單父之民將墜塗炭公
感激奮發伏願興兵挫敗賊徒保全鄉縣擊勇之旅歸之如雲方欲糾合

永樂大典

卷二十七四三

魏虎歐誅地承京觀群盜金湯一方本道節度使奇之將議上聞曾有同
 事者爭功陰相傾奪公超然脫屣遂以族行水游江淮安時侯命蜀吳王
 出問鎮鎮求才撫人嘗聞公名試以史事遂表請為宋城尉事畢移假連
 水令賞緋魚袋縣政修轉常州錄事參軍觀察課成浙東採訪使聞之奏
 授越州餘姚令吏畏人悅歲未滿浙西採訪使知之奏改湖州長城令長
 城之理又加於前二邑焉政成秩滿解印罷去優游自得獨善其身興元
 元年疾歿於宋大和五年遷葬於洛享年若干詔贈尚書戶部侍郎夫人
 隴西李氏追封岐國夫人皆從子貴也公為人儀表魁梧氣槩剛直負不
 羈之才氣非常之功始發軔於單父志立而功不就終稅駕於長城道行
 而位不達善慶所積實主司空司空諱弘禮公之幼子也以學發身以文
 飾吏以幹蠱克家以忠壯許國典十郡領二鎮再釐東土追命上公雖天
 與之才國與之位亦由公義方之訓輔而成焉大丈夫貯蓄材術樹置公
 利磁基富貴焯耀家邦不當其身而得於後父祈子荷相去幾何嗚呼在
 公何不足之有按國典官五品已上墓廟得立碑入按喪葬令凡諸贈官
 得同正官之制其孫彥防彥佐等奉父命述祖德獨石于墓勒銘于碑銘
 曰天無全功賢無全福既享天爵難兼世祿塋橋崔公道積厥躬大志

永樂大典卷二十七四三

上

長畧卷于懷中黃綬道冠思奮奇功銅印字人躬行古風才高位下步
 闊塗窮竟戢羽翮不展心曾天道有知善積慶鍾昭哉報施其在司空

崔遼

唐權載之集唐故洪州建昌縣崔君墓誌銘 君諱遼字某博
 陵安平人也六代祖北齊右僕射昂以文學正直周整諸曹禮

樂刑政所損益者十七八主隋水部司門二郎中洽有風儀器尚以世其
 家司門主皇掖縣令異首掖縣主武邑令紹武邑主白水尉頃頃主汾西
 令贈定州刺史昇之自掖縣四世舍德不權君即定州府君之長子故相
 國右原于安平公其介弟也恬淡愆愆不遺于時仁于鄉黨友于兄弟大
 歷中御史大夫贊皇李公之宣風于吳也聞其賢起家表為常州武進縣
 尉跡跡徇知己心不近名俛視官曹非其好也建中初嗣曹王分闡按部于
 九江之西又以名聞轉洪州建昌縣丞君喟然曰莊生於陵于吾之師也
 惡用是哉終不屑就先是藥室于毗陵跡跡清陰碧鮮樹藝暱仰有終焉
 之志貞元十年正月日寢疾終于其家享年六十三夫人范陽盧氏華宗
 淑行動循禮法其孤景伯等年未及冠皆專徑趣善貌然街恤護奉輅車
 以明年十月某日歸柩于河南某原之舊塋先遠故壤也季弟著作郎述
 貞諒述係稱於士林抱終鮮之痛主歸全之禮以德與詳其所履伴為墓

銘銘曰 公綽之道澹無欲兮潔身用晦言可復兮視夜考祥宜哉
殺分乃如之入胡不叔兮周原舊封森拱木兮于以寧神識陵谷兮

崔泳

文苑英華稱其撰陸渾尉崔君墓誌銘 崔君名泳字君易清
河東武城人皇朝刑部尚書贈太傅忠公隱甫之孫河南少尹

徵唐世年未詳 崔君非之子進士權策調同州參軍陸渾尉生四十有
三年以貞元四年冬十月景子卒于洛陽毓德里之第丁酉從先尚書少
尹于比丘禮也 崔族著明洎忠公德如其謚焯乎代之間見其所憑者厚
矣惟先王之樂實祖考之世及君子之所以為構為復者加生知之力行
之故其事親也以無間言無違志無失色無過行其親喪也視禮經有加
等而惡用吾情之歎異夫古焉其蒞官也才無不器事至一以錄致
理者以備群司陟明者以充首賦其會友也以晏平仲久敬于路無宿諾
植之為本而游夏之藝文彼嚮使錫厥永年彼之貴仕俾自家刑國以及生
人未始涯也嗚呼才長命短古有之矣君之所以墮諸公之淚使有餘恨
者方兄弟燕言之次無分陰之疾如寐如息而不反焉夫人范陽盧氏今
族美行宜一作而為君之伉儷四子男曰某女孟仲季未詳未并初河南
府君祥踰月夫人范陽縣君違養又祥踰月君繼天君長兄河南府司錄

永樂大典卷二千七百四十三

十一

參軍灑不勝其哀乃主謂其身之存不若君之沒而無知也當無窮之若
疑作若如有知也先人在焉託我友去銘其燧燧詞曰 有生有死彭殤
同致德義為宗萬高匪貴雲收於
山曷為特而嗟我哲人脩邱之土

崔汪

文苑英華常衮撰劍南節度判官崔君墓誌銘 故人清河崔
汪字巨源舉秀才校文尋佐戎衛遷廷尉評辟荆襄蓋三府春

秋若干大曆四年月日遇疾終于成都官舍以己酉歲律中南呂庚辰之
辰送塋於鳳樓原龜從也惟先德世勲焯叙前志祖仁堅父綱位不配不
佐郡貳邑而已公志經炳文義精格峻敦孝本義為近周親定交後求忠
告善道達則兼濟否則報負天寶之難觀明晦跡族行導漾倫德全身陶
融大和丕嬰物累而辟書裡至傳駟雲于不暇棲伏俛而受命竟友於諸
侯咨以書奏壽畫之事抗詞中病動不求合老將嘆惜大豪雄張正色檢
御革心畏憚從容儒服以靜遠荒夷險終始坦然一致初郭英又鎮蜀政
暴及禍公以嘗所辟用雖言之不行終全節守義遂與妻子居巖石之下
不復歛袂於故府矣及相國衛公式是南邦旌禮賢士待以坐墜咨訪戎
政議者謂翰飛紫霄觀其速矣志士方展國華中零哀哉蓋君子耻食浮

於今不患無位故曰孔門不稱其官闕穎川尚愨於卿長公始以文顯中
以道勝終以美全斯亦成名矣何必乘軒服冕方謂之達歟然以有五霸
之畧通質文之變不得與公卿大夫高議明庭鬱湮重泉知者悼惜旅櫬
南下浮江阻寇夫人河東薛氏故水部郎中儵之女也之死明誓崩戚動
潛舟夜風反樞湍險神明所護川后安波出于萬死之中克此乙原之塋
可謂貞烈孝婦執儀壺教嗣子師周十一歲而孤危身過毀以余先君之
舊見託銘述詞曰元和內融懿鑠孔純學滔泉源文鬱春雲倫德處難超
然世哀即戎雅歌偃息中軍參以天時合於兵機道行則安言廢則危終
保風節蜀人高之英靈沉埋旅櫬流離哀哀孝婦上訴蒼昊全
樞巴江歸魂蜀道田橫舊曲季布餘軛一聞泉扃千秋蔓葛

永樂大典卷之二千七百四十三

永樂大典卷之二千七百四十三

古